

附子湯治面寒有何依據答曰出自仲景雲岐子註傷寒論中辨葛根湯云尺寸俱長者陽明受病也當二三日發以其脉夾鼻絡於目故身熱目疼鼻乾不得眠此陽明經受病也始於鼻交頰中從頭至足行身之前為表之裏陽明經標熱本實從標脉浮而長從本脉沉而實陽明為病蒸蒸而熱不惡寒身熱為標病陽明本實者胃中燥鼻乾目痛為本病陽明為肌肉之本禁不可發汗在本者不禁下發之則變黃症太

陽主表營衛是也營衛之下肌肉屬陽明二陽并病葛根湯主之衛者桂枝營者麻黃營衛之中桂枝麻黃各半湯主之營衛之下肌肉之分者葛根湯主之又名解肌湯故陽明為肌肉之本非專於發汗止汗之治桂枝麻黃兩方互併為一方加葛根者便作葛根湯故營衛肌肉之次也桂枝芍藥生姜甘草大棗止汗有麻黃桂枝甘草發汗葛根味薄獨加一味者非發汗止汗也從葛根以解肌故名葛根湯錢仲陽制升

麻湯治傷寒瘟疫風熱壯熱頭痛肢體痛瘡疹已發未發用葛根為君升麻為佐甘草芍藥安其中氣朱奉議作活人書將升麻列作陽明經解藥予胗楊氏婦陽明經標本俱實先攻其裏後瀉經絡中風熱故用升麻湯加黃連以寒治熱也尼長老陽明經標本俱虛先實其裏次行經絡故用升麻湯加附子以熱治寒也仲景乃群方之祖信哉  
面上有熱毒惡瘡治以栢連散

胡粉

黃栢炙

黃連

各等分

右為末面脂調敷猪脂亦好

面上肺風瘡以無灰酒濃磨鹿角尖敷之  
指爪爬破面皮

生姜自然汁調輕粉敷破處更無痕

玉容散 面上黑黥雀斑

甘松

三柰

茅香

各五錢

白芷

白姜蚕

白芨

白蘇

白附子

天花粉

各一兩

防風

藁本

零陵香

各三錢

肥皂

二個

菘豆粉

一兩



為極細末每洗面用之

秘方 面上雀斑

櫻桃枝 紫背浮萍 白梅肉 猪牙皂角

等分焙乾為末每洗面時用之七八日後其班

皆沒神効 一方加鷹屎少許尤妙服藥在後

防風通聖散 風熱上攻面熱

胃風湯 虛風症能食麻木牙關急搐目瞤動胃

中有風熱攻面故面獨腫

白芷 一錢二分 升麻 一錢五分 葛根 蒼朮 各八分 甘草 三分

柴胡 藁本 羌活 黃柏 各五分 草薺 菴 五分

蔓荊子 二分 麻黃 八分 白姜 蚕 三分 川歸 乙錢五分

水二鍾煎八分食遠服

丹溪治一婦人面頰兩腮熱腫膈壅之病也

乾葛 桔梗 一錢半 升麻 一錢 蘇葉 一錢半 薄荷 一錢

甘草 七分 姜一片水煎食後服

一人登廁被臭氣薰觸隱忍良久明日滿面皆黑

色月餘不散相士斷云不出月外必死至期無

恙拉孫召先生治教以沉栳香各一兩剉碎安

爐中燒薰帳內以被蓋定令病者瞑目端坐候香盡方可出帳明日引鑑照之面上黑色漸散矣

### 頰車病

平江陳氏因驚駭後常用手指甲搯住兩頰遂兩頰破損心懊懷不安脉數而實諸藥不愈用活幼口義牛黃清心涼膈丸數服如失

凡伸欠頰車蹉但開不能合以酒飲之令大醉睡中吹皂角末搐其鼻嚏透即自止

東垣云咽痛頰腫脉洪大面赤者羗活勝濕湯加黃芩桔梗甘草各五分如耳鳴目黃頰頰腫頭肩臑肘臂外後痠痛面赤脉洪大者以羗活防風甘草藜蘆通其經血加黃連黃芩消其腫以人參黃耆益其元氣而瀉其火邪

丹溪治兩腮腫用細辛草烏等分為末入蚌粉以猪脂調敷口含白梅置腮邊良久腫退出涎患立消矣消時腫必先向下

濟世方 治疔腮



車前草

栝子仁

竹葉

杵碎熟敷患處

腮腫

用赤小豆醋調敷之

千金方

卒中風頭腫杵杏仁如膏敷之

又方

疥腮如神

鷄子清調赤莖末及喉下諸般腫痛用蝸牛飛

麵研勻貼腫處

目門

生生子曰治目有專門以其點藥精妙及動針手

法慣熟外此不過一理耳經曰目得血而能視是血不可以不養也又曰目者神之主是神不可以不安也又曰目者腎之竅是腎不可以不秘也又曰東方青色入通於肝開竅於目藏精於肝肝和則目能辨五色也又曰心合脉諸脉皆貫於目

東垣曰夫五臟六腑之脉皆稟受於脾土而上貫於目脾者諸陰之首也目者血氣之宗也故脾虛則五臟之精氣皆失所司不能歸明於目矣

可見五臟之精華皆輸於目而見於外足以驗夫臟腑之根於內者標本之虛實矣

經云瞳子黑眼法於陰白眼赤脉法於陽故陰陽合傳於精明此則眼具陰陽也又曰五臟六腑之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裘擷筋骨氣血之精而與脈并為系上屬於腦後出於項中此眼具五臟六腑也後世以內外皆屬心上下

兩臉屬脾白眼屬肺黑眼屬肝瞳人屬腎謂之五輪蓋本諸此也又有八廓之說無義無據今不得刪入焉

陽主散陽虛則眼楞急而為倒睫拳毛陰主斂陰虛則瞳子散大而為目昏眼花

保命集云在腑為表當除風散熱在臟為裏當養血安神如暴失明昏澁翳膜眇淚班入眼皆表也風熱也宜表散以去之如昏弱不欲視物內瞳見黑花瞳散皆裏也血少神勞腎虛也宜養



血補水安神以調之除風散熱者瀉青丸主之  
養血安神者定志丸主之婦人地黄丸主之或  
有體肥氣盛風熱上行目昏澁者槐子散主之  
此由胷中濁氣上行也重則為痰厥亦能損目  
若常使胷中氣清自無此病也又有因目疾服  
涼藥多氣因損者久之眼漸昏弱乍明乍暗不  
能視物此則失血驗也地黄丸消氣定志丸相  
須而養之視物不明見黑花者腎氣弱也駐景  
丸主之或有暴失明者謂眼居諸陽交之會也

而陰反閉之此風邪內滿當有不測之患也  
目閉不開者足太陽之脈為目上綱足陽明之脈  
為目下綱平則約束熱則筋縱故目不能為之  
開也

治風熱之劑

本事方 睛痛難忍者

川歸 防風 細辛 薄荷 每服二錢

各等分

麥門冬湯調下食後日午及夜各一服

菊花散 肝腎風毒氣上衝眼疼

甘菊花 芍药 大力子炒各一两 甘草一两

為細末每服二錢

槐子散 體肥氣盛風熱上行目昏澁

槐子 黄芩 木賊 蒼木各等分

為細末食後茶調下

川芎散 風熱目眩熱腫胃中不利

川芎 槐子各一两 為末氣滯下利姜湯調目

疾茶清調熱上攻水煎服

潔古方治赤暴發腫散熱飲子

防風 羌活 黄芩各一两 黄連一两 每服五錢

水二盞煎温服如大便秘加大黄一两如痛

甚加川歸地黃煩躁不得卧加梔子一两

洗肝散 風毒上攻赤目腫痛難開癰澁眵淚

薄荷葉 川歸 防風 羌活 甘草炙

梔子 大黄 川芎各等分

為末每服二錢熱水調服

養血和血疎風之劑

龍胆湯 目暴赤雲翳疼痛不可忍者



四物湯

各五錢

羌活

防風

各三錢

龍胆草

防已

各二錢

益氣聰明湯

飲食不節勞傷形體脾胃不足內

障耳鳴或多年視物昏暗令目廣大久服無內

障耳鳴耳聾之患又令精神倍常飲食加倍身

體輕健耳目聰明

黃耆

五錢

甘草

六錢

人參

五錢

葛根

升麻

三錢

白芍

黃柏

酒洗

四次

炒各一兩

蔓荊子

半錢

每服五錢水

煎卧時熱服五更再煎服之得睡更妙如煩亂

或有熱春月漸加黃柏夏月倍之如脾胃弱去

之熱減少用但有熱或麻木或上壅頭目三兩

服後其熱皆除又治老人腰以下沉重疼痛此

藥久服治人上身反有精神兩足輕浮不知高

下空心服之少加黃柏輕浮自減小兒減服多

則壅滿若治倒睫去黃柏芍藥忌烟火酸物

地黄丸 眼小昏澁因發而久不能瘥

防風

羌活

當歸

地黃

人參

茯苓

黃芩

黃連

各等分

每服五七錢水煎溫服

東垣助陽和血補氣湯 眼赤熱壅白睛紅眵淚  
不疼痛惟隱澁難開此服寒藥太過而真氣不  
能通九竅也故眼昏不明

防風分七 黃耆錢一 甘草灸 蔓荊子分五 歸身分五 白芷

分二 柴胡 升麻分各七 水鍾半煎一鍾臨卧時

服避風及忌食冷物

補氣血之劑

丹溪方 治勞力後兩眼上星右眼獨昏此熱傷

血也 白朮 當歸 生地 木通 黃連酒浸

黃芩酒浸 黃柏炒各 甘草灸各

分三帖水煎服大熱加白芍藥

倒睫拳毛其毛入眼中央是也

防風飲子

黃連炒 甘草灸 人參各一錢 歸身五分 葛根

防風分各五 細辛葉 蔓荊子分各三

水煎臨卧溫服

連喬飲子 目中溜火惡日與火隱澁小角偏緊

久視昏花迎風有淚



蔓荊子 甘草 連喬 人參 紅葵花

生地 當歸身各三錢 酒苓 防風 羌活

黃芪各五分 升麻一錢 柴胡二分 水煎稍熱服前

方治倒睫拳毛此方治眼楞緊急縮小者即倒  
睫拳毛之漸也蓋陽虛則眼楞緊急陰虛則瞳  
子散大故東垣治眼楞緊用參耆補氣為君佐  
以辛味疎散之而忌芍藥五味之酸收也 治  
瞳子散大用地黃補血為君佐以酸味收斂之  
而忌荒蔚子青葙子之辛散一開一闔大有徑

庭矣

外障

經云目痛赤脉從上下者太陽病從下上者陽明  
病從外走內者少陽病凡赤脉翳初從上而下  
者屬太陽以其主表其病必連眉稜骨痛或腦  
項痛或半邊頭腫治法宜溫之散之如簡要夏  
枯草散東垣選奇湯之類

簡要夏枯草散 目珠痛至夜則痛甚或用苦寒  
眼藥點上反疼甚者神效蓋目珠者連日本目

系屬厥陰經夜疼甚及苦寒點之反甚者夜與寒皆陰故也丹溪謂夏枯草稟純陽之氣故治厥陰目疼如神又治眉稜骨痛目翳從上下者累効治翳必與退雲丸相兼服尤妙

夏枯草 香附子 各二兩 甘草 四錢 右為細末

每服一錢五分茶清調下纔下咽即痛減

東垣選奇湯 眉稜骨痛目翳從上下者尤妙

防風 羌活 各三分 甘草 三錢 夏月生用 酒茶 一錢 冬不加之 及熱痛 分作三服水煎食後稍熱服當徐服之

羊肝丸 目翳從下上者從內皆出外者神効又

補肝氣虛弱 羯羊肝 一具新瓦盆中燻了焙

甘菊 羌活 栢子仁 細辛 官桂 白朮

黃連 半一兩 五味子 五錢

煉蜜為丸桐子大空心溫湯下三十九

東垣神仙退雲丸 一切翳暈內外脹昏無睛者

累効又治翳從外皆入內此為少陽主於半表

裏也宜和解之此方神妙

川芎 川歸 各一兩半 犀角 酒洗 枳實 川練子

三卷 三白



蟬腿

甘菊 各六錢

薄荷葉 不見火

瓜萎仁 生者各六錢

蛇蝎

蜜蒙花 荆芥穗 各二錢

此三味與甘草

同焙乾去甘草不用 地骨皮 白芨 炒去刺

羌活

生地 酒洗焙乾 各一錢 木賊 一兩半去節童便浸一夜焙乾

為細末煉蜜丸每一兩分作十九丸米湯調服

日進二三丸食後服婦人當歸湯有氣者木

香湯下在人消息之

### 內障

內障者在睛裏昏暗與無患之人相似惟瞳人裏

有隱、青白者無隱、青白者亦有之

人卒然目無精光者此陽氣大虛也丹溪治一人

目忽不見物他無所苦起坐飲食如故此氣虛

也急煎人參膏與之服二日目方見他醫與青

礞石藥子曰今夜死矣已而果然 又一人生

平好飲熱酒忽目暝脉澁此因熱酒所傷胃氣

汚濁之血死在其中而然也遂以蘇木作湯調

人參膏與之服二日鼻內及手掌皆紫黑余曰

此病退矣滯血已行乃與四物加蘇木桃仁紅



花陳皮煎調人參末服數日而愈 又一男子  
五十五歲九月間早起忽開目無光視物不見  
急就睡片時却能見人竟不能辨其何人何物  
飲食減半神息極倦脉之緩大四至之上重按  
則發而無力余作受濕治詢之果因卧濕地上  
半箇月遂得此症用白朮為君黃芪茯苓陳皮  
為臣附子為佐十餘帖而愈 右三方治目不  
明皆為陽虛氣脫而用補氣之藥追回者也經  
云上焦開發宣五谷味董膚充身澤毛若霧露

之溉是謂氣又曰五氣入鼻藏於心肺上使五  
色脩明聲音能彰今氣既脫宜乎目之不明也  
東垣人參補胃湯 勞役飲食不節內障神効  
黃耆 人參 各一兩 甘草 炙八錢 蔓荊子 二錢 白芍 三錢  
黃柏 三錢 酒淬 四次 每服五錢水一大盞煎  
炒四次 七分稍熱服三五服兩眼廣大視物如常惟  
覺兩脚踏地不知高下火體升發故也病減  
住服七日再服此藥宜春間服之  
補陰血之劑



復明散 治內障

黃芪 一錢半 川芎 五分 柴胡 連翹 甘草

生地 各一錢 歸身 二錢 蒼朮 五分 陳皮 五分 黃柏

水二鍾煎至一鍾食後稍熱服忌濕麵及大辛熱之物

熟地黃丸 血弱氣虛不能養心致火旺於陰分

瞳子散大風熱上攻頭目遍頭腫悶視物昏花

法當養血涼血收斂散火而風熱自除矣

地黃 一兩 歸身 五錢 柴胡 八錢 天門冬 地骨皮

五味子 黃連 各三錢 生地 酒洗八錢 黃芩 五錢 枳殼 炒

人參 甘草 各二錢 煉蜜丸如棗葢大每服百

丸茶湯下食後服日服二次大忌辛辣物而

助火又忌寒涼物以損胃氣則藥不上行也

瞳子散大亦有因食辛熱及燻灸助火之物積於

胷中火旺則精散則視物亦大矣

益陰腎氣丸 此壯水之主以鎮陽光也

山茱萸 一兩 茯苓 二錢半 五味子 五錢 熟地 二兩 山藥 五錢

澤瀉 二錢半 牡丹皮 五錢 生地 酒洗一兩 歸身 五錢

為末蜜丸桐子大硃砂為衣每服五七十九  
淡鹽湯送下

寶鑑甘菊丸 男子腎虛眼目昏暗或見黑花常  
服明目暖水臙活血駐顏壯筋骨

甘菊花 熟地各二兩 枸杞四兩 山藥五錢

煉蜜丸如梧桐子大每服三四十九空心食  
後服

百點膏 眼翳遮瞳人視物不明如覺雲氣障蔽

川歸分六 黃連二錢 水一 碗煎至甘草稍六分

防風分八 蕤仁去皮尖 右除蕤仁另研外同熬

滴入水中不散去渣入好蜜少許再煎少時  
為度極要病人心靜點之至目微痛為度一  
日五六次臨卧點之尤妙名百點膏欲頻點  
之使藥力相續也

寶鑑還睛散 努肉攀睛翳膜昏澁

川芎 龍胆草 草決明 石決明 枳實

野菊花 野麻子 白茯苓 炙甘草 蒺藜

川椒炒去核 仙靈脾 荆芥 木賊 茵陳已上一兩



為末每服二錢食後茶清調下一日三服忌  
魚肉及熱麵蕎麥等物一方有楮實子無仙  
靈枳實二味

滋陰地黃丸 瞳子散大黃睛視物無的或卒然

見非常之處 熟地一兩 生地一兩 柴胡八錢 天門

冬 甘草 枳殼各三錢 人參 地骨皮各二錢

五味子 黃連各三錢 黃芩 歸身各五錢

蜜丸菴荳大每服百丸溫茶清送下日進二  
次此補左腎之藥也

駐景丸 肝腎氣虛面目昏暗視物不明

車前子 五味子 枸杞子各二兩 熟地 當歸

各五兩 楮實子 川椒炒各一兩 兔絲子酒浸製半觔

為末蜜丸如梧桐子大每服三十九食前溫  
酒下

菊睛丸 肝腎不足眼目昏暗常見黑花多泪補

右腎不足 枸杞子三兩 菴蓉酒浸炒 巴戟

各一兩 甘菊 蜜丸如桐子大每服五十九食

後酒鹽湯任下

煮肝散 治雀目

青蛤粉

夜明砂

穀精草 各等分

右細末每五七錢入猪肝內煮熟細嚼茶清送下

鼻門

東垣曰金匱真言論云西方白色入通於肺開竅於鼻藏精於肺夫十二經脉三百六十五絡其氣血皆上升於面而走空竅其宗氣出於鼻而為臭難經云肺氣通於鼻肺和則鼻知香臭矣

夫謂陽氣宗氣者皆胃中生發之氣也其名雖異其理則一若因飢飽勞後損傷脾胃生發之氣弱則營運之氣不能上升邪塞孔竅故鼻不利而不聞香臭也宜養胃實營氣陽氣宗氣上升鼻管則通矣又一說難經云心主五臭肺主諸氣鼻者肺竅也反聞香臭者何也蓋以竅言之肺也以用言之心也因衛氣失守寒邪客於頭面鼻亦受之不能為用是不聞香臭矣經云五氣入鼻藏於心肺心肺有病而鼻為之不利



也潔古曰視聽明而清涼香臭辨而溫暖治法  
宜先散寒邪後補胃氣使心肺之氣得以交通  
則鼻利而香聞矣

麗澤通氣散 鼻不聞香臭

羌活 獨活 防風 升麻 葛根 麻黃

一錢不去節 冬月加之 蒼朮 三錢 川椒 一錢 白芷 黃耆 各四錢

炙甘草 二錢 右每服一兩水二鍾生姜三片

枣二枚葱白三寸煎至一鍾稍熱服行坐之

間宜避風寒

溫肺湯 鼻不聞香臭

升麻 黃耆 各二錢 葛根 羌活 甘草 防風

各一錢 麻黃 四錢 丁香 一分 右作二服水

二大鍾葱白三根煎至一鍾稍熱服

治鼻不聞香臭多年不愈者皆効

生葱分作三段早用葱白午用中段晚用葱末

段塞入鼻中令氣透方効 出本

陳魚擇通草散 鼻塞不通不聞香臭并鼻塞

肉 通草 細辛 附子 各等分

為末蜜和綿裹少許納入鼻內

丹溪曰鼻為肺之竅因心肺上病而不利有寒有熱寒傷皮毛熱壅清道氣為之不利寒則表之熱則芬連又曰面皮紫黑面為陽中之陽鼻居面中一身之血運至面鼻皆為至清至精之血多酒之人酒氣薰蒸熱血得冷則凝汚而不行故色紫黑治宜化滯血生新血四物湯加酒苓紅花酒拌又加茯苓陳皮甘草生姜煎調五靈脂末服氣弱加黃耆酒浸酒麩鼻治法亦然

陳無擇曰鼻頭白者亡血也赤者熱血也

粉黃散 肺熱赤瘰俗曰酒齧鼻

硫黃 入蘿蔔內糠火煨一宿取出加輕粉烏頭尖各少許為末以酥油調不時敷

鼻瘰肉

濟世方云瘰肉因胃中有食積熱痰流注宜治其

本消痰積是也

蝴蝶礬

錢二

細辛

錢一

白芷

五分

右為末以舊綿裹藥納鼻中頻頻換又方蝴蝶礬三分虢丹一分細辛一錢照此法塞鼻



三因方單用枯礬末面脂用綿裹少許納鼻中  
數換瘰肉與藥消落細辛白芷甘草加消痰積  
之藥服之為効

辛萸膏 鼻生塞肉窒塞不通有時疼痛

辛萸葉 二兩 細辛 木通 木香 白芷 杏仁

湯泡去皮尖 各五錢 右用羊髓猪脂二兩和藥於石器

內慢火熬成膏取赤黃色於冷水入龍腦射  
香各一錢為丸綿裹入鼻中數日脫落良愈  
此方有理

羅太無輕黃散 瘰肉

輕粉 杏仁 去皮尖 一錢 雄黃 五錢 射香 少許

右四味各為細末先用杏仁研如泥後入雄  
黃射香同研極細磁器收勿走氣不拘遠近  
夜卧用筋頭點粳米大在鼻中瘰肉上隔一  
日夜一次半月見効

又方 瓜蒂 細辛 各等分

右為細末以綿包如荳許塞鼻中須臾即通  
有人患瘰肉垂出鼻外用此藥則化為黃水

點滴至盡三四日愈聖惠方單用陳瓜蒂以  
羊脂和傳上日三次効

濟世方 久患鼻瘡膿極臭者用百草霜研末冷  
水調服三錢

鼻鼽鼻淵

或問生生子曰汪石山醫案載鼻流濁涕症條云  
後見數人亦皆不治今人尚有治之而愈者吾  
竊疑焉或生或死其故何也意者猶治之未工  
耶抑猶有可生者而石山之忽耶願吾子悉以

晚我子曰石山先生之學出於儒而述吾醫宗  
之大成者豈有此治而未工耶原其意或謂病  
之深者言也若特由今之可治而愈者石山又  
豈少略之耶或曰何如而深之不治也子曰易  
云大哉乾元萬物資始至哉坤元萬物資生夫  
謂坤元者人之胃氣是也經曰營者水谷之精  
氣衛者水谷之悍氣皆藉胃氣以為養人之所  
以運動升降不息不死者賴此營於中衛於外  
而胃氣以為之樞也胃氣者穀氣也故經曰飲



食入胃遊溢精氣上輸於脾脾氣散精上輸於肺通調水道下輸膀胱水精四布五經並行五臟陰陽揆度以為常也又曰五味入口藏於腸胃以養五氣氣和而生津液相成神乃自生即是而知人之不死者賴胃氣上升變化氣血以養五臟之神然後精明察色聽聲辨味剖臭而九竅有所用矣一出一入一升一降一呼一吸略不少間今鼻流濁涕者必腎陰虛而不能納氣歸元故火無所畏上迫肺金由是津液之氣

不得降下并於空竅轉濁為涕而為逆流矣由此腎肝愈虛則有升而無降有陽而無陰也經曰出入廢則神機化滅升降息則氣力孤危是時也仍不能杜謀慮絕作巧塞視聽以無源之腎肝而日勞此三者又将何藉而以濟其運用耶陰虛則病陰絕則死良以此夫或曰誠如是又何治之而猶有愈者予曰此必治之早者也戒怒以養陽絕慈以養陰斷燻灸遠酒麪以防作熱然後假之以良醫保肺為君開鬱順氣為



臣補陰養血為佐俾火息金清降令胥行氣暢  
鬱分清竅無壅陽開陰闔相依相附臟腑各司  
乃職升降不匱是自慎以培其根藥餌以却其  
病間有可愈者苟或驕恣不慎與夫委醫於陰  
絕源涸之後雖倉扁亦不能使其生又何石山  
之致疑焉

腦漏散 鼻流清濁涕積年不愈

川芎 荆芥 防風 乾姜 白芷 甘松 各一兩  
羌活 甘草 各半兩

為末每服二錢食後茶清下

葱附丸 肺寒腦冷鼻流清涕

川附子 去皮生用一枚 細辛 半兩 葱汁打糊為丸如梧

桐子大每服十四丸姜蘇湯下

川烏散 治腦漏

防風 細辛 白附子 茯苓 川烏 菖蒲  
乾姜 白芷 川芎 甘草節 各等分

為末每服三錢嚼生葱白湯調下

芎犀丸 偏正頭疼及一邊不聞香臭常流清涕



或作臭氣一陣及噴嚏稠膿 川芎 硃砂內研

一兩石膏研 薄荷各四兩 人參 茯苓 甘草炙

細心各二兩 犀角生用 梔子各一兩 阿膠蛤粉炒

麥冬去心 為末煉蜜丸如彈子大用硃砂為

衣每服一九或二九食後茶清任下

腦漏有老人腎經虛寒使然者用八味丸及煖腎

之劑而愈 黑附子炮去 川芎 細辛 吳茱

萸 乾姜各五錢 桂心一兩 皂角屑五錢

右將豬脂六兩煎油先一宿以醋浸前藥取

入豬脂內同煎以附子黃色為度用綿蘸藥

塞鼻中瘥

耳門 耳聾 耳鳴

經曰耳者腎之竅也腎主藏精者也故精脫者則

耳聾以腎藏精而氣通于耳耳者宗脉之所聚

也 保命集云以竅言之水也以聲言之金也

以經言之手足少陽俱會其中也有從內不能

聽者主也有從外不能入者經也腎和則能聞

五音矣羅謙甫以積脫耳聾之候為顴頰色黑

也 耳聾少氣嗑乾者肺虛也東垣曰頭痛耳  
鳴九竅不利腸胃之所生也腸胃不足故氣弱  
不充傷寒及大病之後多有此症以補中益氣  
湯治之耳聾多恐者肝虛也經云肝虛則目眈  
眈無所見耳無所聞善恐治法用四物湯加防  
風羌活柴胡菖蒲茯神等分煎湯服二十餘帖  
然後却以杜壬姜蝎散開之本草云肝虛則生  
姜補之是也

丹溪曰大病後耳聾須用補陰降火有陰虛火動  
而聾者宜四物湯加黃柏之類

生生子曰大病後則氣血俱虛然必胗兩手之脉  
孰勝而為之治斯無弊矣若脉大而無力或右  
手細小沉弱者皆陽氣大虛也正宜甘溫之劑  
做陽生陰長之義少加血藥佐之可也若純視  
為陰虛而用滋陰降火之劑則陽氣愈弱而犯  
東垣伐生生之戒非惟耳聾不痊而反增惡心  
胃滿泄瀉之患矣若獨以陰虛火動而用滋陰  
降火者此正治法也予又何敢言



氣逆耳聾有三肝與手太陽少陽也經云肝氣逆則頭痛耳聾不聰頰腫又云太陽所謂浮為聾者皆在氣也

羅謙甫云手太陽氣厥而耳聾者其候聾而耳內氣滿也手少陽氣厥而耳聾者其候耳內渾；焯焯此皆氣逆而聾也治法宜四物湯吞龍會丸降火及復元通氣散調氣散是也

冊溪治法痰火風熱者滾痰丸通聖散之類 聾病必用四物龍會養陰亦有濕熱痰者棋柳神

芩丸耳中闕闕然亦是陰虛 凡臟氣逆而為厥聾必有眩昏之症風聾必有頭痛之症勞後傷其氣血淫慾耗其精元昏昏曠；是謂勞聾必有虛損之症其聲嘈；眼見黑花此虛聾也 劉宗厚曰凡耳鳴症或如蟬噪之聲或如鍾鼓之響或是閉塞此是痰火上升鬱於耳中而為鳴鬱甚則壅閉矣治宜清痰降火又有因大怒而得宜順氣聰耳湯有因於風而得其鳴如輪車闕然或氣掉眩宜祛風芩芷散熱則加酒苓連

喬有腎虛鳴者其鳴不甚宜滋腎丸虎潛丸大補陰丸八物湯加黃栢知母肝火動者當歸龍會丸飲酒人宜木香栢柳丸

素問金匱真言論南方赤色入通于心開竅于耳藏精于心此又耳為心之竅也

素問脉解篇曰陽氣萬物盛上而躍故耳鳴也益氣聰耳湯 飢飽勞役脾胃不足得耳聾之患

柴胡 升麻 蔓荊子 葛根各一人錢半 黃耆 甘草各二錢 黃栢 芍藥

水二鍾煎八分食遠服

清神散 頭目不清耳常重聽

甘菊花 白姜蚕各五錢 羌活 荆芥穗 木通 川芎各四兩 木香 防風各三錢 石菖蒲四錢 甘草二錢

為末每服三錢茶清調下

通氣散 氣閉耳聾

木通 木香 枳殼 菖蒲各五錢 川芎 柴胡 陳皮各二錢 白芷 羌活 姜蚕炒 全蝎 蟬腿 甘草各二錢 川山甲炮三錢 為末每服三錢酒調下



荆芥散 風熱上壅耳閉或耳鳴及出膿

防風 荆芥 升麻 甘菊 木通 黃芩炒

羌活 甘草 蔓荊子 水煎服

寶鑑姜蝎散 耳聾因腎虛所致十年內一服愈

乾蝎四十九个去毒洗焙去風熱 生姜切片如蝎大四十九片開痰

二味銀石器內炒至乾為末向晚勿食夜卧

至二更時以酒調服徐服盡量飲至五

更時耳中聞百攢笙响便自此有聞

一法五更濃煎葱白湯一盞服先三日服黑錫丹

効又蝎先用糯米半升同炒又用姜四十九片

放蝎上同炒去米萋不用只用米

寶鑑犀角湯 風毒壅熱胷心痰滯兩耳虛聾頭

重目眩神効 犀角屑 甘菊花 前胡

枳殼炒 菖蒲 羌活 澤瀉 木通 生地各五

錢 麥冬二兩 甘草錢一

右為末每服三錢水煎食後温服

茯神散 上焦風熱耳或聾或鳴四肢滿急昏悶

不利 茯神兩一 羌活 柴胡 蔓荊子 薏苡

仁 防風 菖蒲 五味 黃耆 各五錢 麥冬 一兩

甘草 炙 薄荷 各三錢 為末每服三錢入生姜三

片煎至五分食後溫服

地黃湯 因瘡毒後腎經熱右耳聽事不真每心

中拂意則轉覺重虛鳴疼痛

生地 一兩 枳殼 羌活 桑白皮 一兩 甘草

防風 黃芩 木通 各五錢 磁石 搗碎水淘二三

為度 為粗末每服四錢用水煎去渣日三服

不拘時候

寶鑑蠟彈丸 耳虛聾

白茯苓 二兩 山藥 炒三兩 杏仁 炒一兩半

三味研末和勻用黃蠟十兩熔化為丸如彈

子大鹽湯嚼下有人止以黃蠟細嚼點好建

茶送下亦効山藥茯苓杏仁皆屬于太陽山

藥大補陰氣惟杏仁利氣乃補中有通也少

氣噍乾者門冬五味人參湯嚼下

多飲酒人耳鳴木香檳榔丸加枳殼柴胡大黃甘

草南星桔梗青皮荊芥不愈四物湯



耳鳴必用當歸龍會丸氣實者神芎丸加換柳一兩下之

耳濕腫痛涼隔散加酒炒大黃半兩酒浸黃芩防風荆芥羌活外以桑螵蛸一個炙存性射香二分枯凡胭脂俱為末摻之

耳腫痛

丹溪治耳腫痛黃水出而臭

桔梗 麻黃 羌活 大黃酒炒 木通 甘草

茯苓一錢半 分三帖熱服

寶鑑解熱飲子 氣虛熱壅耳內聾閉徹痛膿血

赤芍 白芍各五錢 川歸 甘草炙 大黃 蒸木別

子 每服四五錢水一盞煎七分食後卧時服 詳此方乃清涼飲子加木別子也

濟世方 聾耳膿不止

陳皮燈上燒灰為末射香少許二味和勻每用少許先用綿拭耳中膿淨却上藥

又方 杏仁泥治耳中病及有水出杏仁炒令黑為末葱涎搜和如枣核大綿包塞耳

復元通氣散

諸氣澁耳聾腹癰便瘰瘡疽無頭

止痛消腫

青皮

陳皮

去白  
四兩

甘草

三寸  
半炙

連喬

一兩

為末熱酒調下

治耳作痛不可忍者用磨刀鉄漿滴入耳中即愈  
屢用屢驗

生生子曰治耳聾之症多不獲捷効者其故有三  
皆人自不攝養也不禁慾不戒性不戒酒及燻  
灸厚味以故服藥罔効也慾傷精精脫則耳聾  
怒則氣逆氣逆則厥厥氣相搏故為氣聾酒性

大熱助火消陰燻灸厚味皆助火生痰者痰火  
上壅清竅閉塞鬱而為熱熱久則潰而為膿亦  
有燥火旺不作膿而成乾膜盯晦之類戕皆由  
于人之自索予故書于方末庶病者知有所警  
焉

口門

生生子曰經云脾開竅於口藏精於脾脾和則口  
能知五味矣此脾之所主於口也又曰胃足陽  
明之脉挾口下交承漿又云手陽明大腸之脉



挾口交人中此二陽所挾於口也又曰有病口苦名曰膽痺蓋肝主謀慮胆主決斷為清淨之府是以事事皆取決於胆也胆或不決為之恚怒則氣上逆胆汁上溢故口苦或熱甚而使然也

東垣曰內經云膀胱移熱於小腸腸不便上為口糜好飲酒人多有此疾易老用五苓散導赤散相合服之神效

劉河間曰肝熱則口酸心熱則口苦脾熱則口乾

肺熱則口辛腎熱則口鹹胃熱則口淡或曰口臭者亦胃熱為之

生生子曰口者五臟六腑所貫通也為脾之竅臟腑之氣皆由此出入若戶門也難經謂唇為飛門齒為戶門會厭為吸門義本諸此故臟腑有偏勝之疾則口有偏勝之症也肝熱口酸者用小柴胡湯加黃連吳茱萸青皮甚者當歸龍會丸心熱口苦或口舌生瘡者黃連瀉心湯涼膈散脾熱口乾者三黃丸瀉黃丸肺熱口辛者甘



桔湯瀉白散加前胡山梔腎熱口鹹者滋腎丸  
大補陰丸滋陰降火湯胃熱口淡者清胃散加  
石膏有謀慮不決肝移熱於胆而口苦者用益  
胆湯加柴胡龍胆草或龍胆瀉肝湯有脾胃氣  
弱木乘土位而口酸者用伐肝補脾湯有膀胱  
移熱於小腸而口糜潰爛者用柴胡地骨散實  
者大黃朴硝以利之或導赤五苓加黃連兼服  
大抵口舌生瘡初起不可便用涼藥敷搽恐寒  
凝不消久而難愈必須先用辛輕升散之劑而

後清涼或視其所因而分治之或有中氣不足  
致虛陽口瘡者又當從理中湯加附子治之此  
又不可不知也

升麻散 上膈熱壅口舌生瘡先用此升發

升麻 一兩半 赤芍藥 人參 桔梗 葛根

薄荷 防風 各一錢 甘草 五分 姜一片水煎食後服

三黃丸 三焦實熱

黃芩 春四兩 夏三兩 秋三兩 冬二兩 黃連 春四兩 夏五兩 秋三兩 冬三兩

大黃 春三兩 夏一兩 秋二兩 冬五兩 為末煉蜜丸梧桐子大



每服百丸食遠白湯送下

加味龍胆瀉肝湯 胆痺口苦

柴胡錢一 黃芩分七 生甘草 人參 黃連 天

門冬 胆草 山梔分各五 五味子粒七 麥冬 知

母分各五 水煎服忌辛熱物大効

移熱湯 治口糜 即五苓散合導赤散

胡黃連散 口糜

胡黃連分五 藿香錢一 細辛錢二 黃連錢三

為末每用五分乾摻口內漱而吐之

味甘露飲 男婦小兒胃經客熱口臭牙宣赤

眼口瘡一切疼痛及上焦消渴喉腥等症丹溪

云此心肺胃藥也 熟地 生地 天冬 麥

冬 枇杷葉去毛 黃芩兩各一 茵陳 枳殼 石

斛 甘草兩各一 犀角錢三 為粗末每服三五

錢水煎食後臨卧溫服 此方得自一品之

家其間加犀角一味尤為有理百發百中

香薷湯 口臭

香薷一把煎濃湯稍稍含之

丹溪云香薷能治口臭

寶鑑瀉白散 治肺熱喉腥一人膏梁而飲因勞

心過度肺氣有傷以致氣出腥臭涕唾稠粘咽

噎不利口苦乾燥以加減瀉白散治之良愈

桑白皮錢三 地骨皮 甘草各一錢半 知母七分

黃芩五分 五味子三十粒 麥冬五分 桔梗二錢

作一服水二大鍾煎一鍾食後服日進二次

張子和云一人年二十餘歲病口中氣出臭如登

廁雖親戚莫肯對語戴人曰肺金本主腥金為

火所乘火主臭應便如是又則成腐腐者腎也

此亢極則反蕪水化病在上宜湧之以茶調散

湧去其七夜以舟車丸濟川丸五七行比旦而

臭斷

黃連升麻湯 口舌生瘡

升麻 一錢半 黃連 三錢

為細末綿裹入口內含津液嚥下

行義栢皮散

川栢蜜炙為末一分 青黛一分 研勻入生龍腦一字研勻



治心脾熱舌頰生瘡搽上有涎即吐之

治口瘡

砂仁火煨存性

為末搽上即愈

又方

檳榔火煨存性

為末入輕粉傳之

又方

取桑樹汁先以髮拭口即以汁傳之

東垣化毒法凡口瘡無論新舊遇夜卧將自己兩  
膏丸以手握緊左右交手揉三五十度但遇夜  
睡覺行之如此三五度良愈因酒而生者一夜  
愈久病諸口瘡三二夜愈如鼻流清涕惡寒者  
搥二腎丸向上揉之數夜可愈

益胆湯

黃芩

甘草炙

人參

各一錢

官桂

苦參

酒炒

茯苓

各五分

遠志

分

水煎食遠服

伐肝補脾湯

黃連

一錢二分

芍藥

柴胡

各一錢

青皮

八分白朮

一錢半

人參

八分

白茯苓

一錢

甘草

炙五分

水煎食前服

柴胡地骨散

柴胡

地骨皮

各五分

水煎食遠溫服

赴蓬散

細辛 黃栢炒各等分 為末搽患處吐涎乃愈

瀉白散 滋腎丸 滋陰降火湯 俱見火門

大補陰丸 見虛損 清胃散 方見牙門

治口瘡黃栢炙同細辛各二錢研極細傳之噙少時當即滿口有涎吐之少刻又傳又噙如是五七次立愈

綠袍散 大人小兒口瘡多不効者

黃栢四兩 甘草炙一兩 青黛一兩

右先取二味為末入青黛同研勻乾貼

五倍子治口瘡以末搽之便可飲食

治口瘡以胆礬一塊用百沸湯泡開含漱一夕可瘥八分

治口瘡以好墨研螻蛄極細傳之立効 胡氏方

螻蛄走小腸膀胱其効甚捷因力峻氣猛陰虛氣上致瘡者戒用惟體實有熱在上焦者用之

內府治口臭方

連喬為末糊丸食蒜韭之後茶吞二三錢口中濁氣化為清氣妙絕



治少陽口瘡半夏散聲絕不出者是寒遏截陽氣  
不伸半夏製一兩桂烏頭各一字同煎一盞分  
作二服

治太陰口瘡甘礬散以甘草二寸白礬栗子大含  
化咽津

治赤口瘡乳香散以乳香沒藥各一錢白礬半錢  
銅綠少許研為末搽之

治白口瘡沒藥散以乳香沒藥雄黃各一錢輕粉  
半錢巴豆霜少許為末搽之

紅芍藥散 心痛口瘡 紫桔紅蒼 三錢四兩

五服安康 右件紫苑桔梗紅芍藥蒼朮各等  
分為細末羊肝四兩批開搽藥末三錢用麻  
扎定火內燒令熟空心食之大効白湯送下  
小兒口瘡遍白者及風疔瘡蝕透者以白姜蚕洗  
淨炒令黃色為末用蜜和傅之立効

多効散 治唇緊瘡及疹

訶子肉 五倍子 各等分 為細末乾貼上効

唇上生瘡用白梅瓣貼之神効如開裂出血者即

止

唇緊燥裂生瘡以青皮燒灰猪脂調塗

唇

六腑之華在唇經云脾胃大腸小腸三焦膀胱者倉廩之本營之居也其華在唇四白肝脈督脈衝脈任脈皆絡唇者也一有受邪則唇亦為之病風則動寒則緊燥則乾裂氣鬱則生瘡血少則澁而無血色治法內理脾胃外敷以藥無不愈夫又傷寒狐惑上唇生瘡虫食其臍下唇有

瘡虫食其臍皆當以類而推大抵與口病相須而治也

唇瘡以旣上滴下汁傳之屢効

舌門

生生子曰經云舌乃心之苗蓋以心為根蒂也心為一身之君主則又為一身之根蒂而舌又為一身之苗也故傷寒一科每倚舌為寶鑑以驗表裏臟腑虛實生死教氏之金鏡錄是也經曰心脈系舌本脾脈絡舌旁繫舌下故舌病多



二經之所致也心熱則生瘡脾熱則強硬滑胎  
舌尖腫脹疊厚為重舌、腫硬而不柔和挺然  
脹滿或出口者為木舌乃二經之火上壅急以  
針砭刺出毒血以殺其標然後以瀉心脾之藥  
治其本可也然不獨心脾之經肝脉亦絡舌本  
故傷寒邪熱傳至厥陰經則舌卷囊縮除此之  
外大槩口舌之病皆相近治法亦不甚外當與  
口部相參施治則盡其用矣

順氣豁痰湯 舌痺或麻此因痰氣滯于心胞絡

半夏

用白凡生薑半  
角煮過一錢半

茯苓

橘紅

瓜蒌

去油

貝母

黃連

桔梗

枳殼

各一錢

香附

童便浸  
七分

甘草

四分

姜三片水煎服

玄參升麻湯 心脾壅熱舌上生瘡木舌舌腫或

連頰項兩邊腫痛 玄參 升麻 生犀角鎊

末赤芍藥 桔梗 貫衆 黃芩各一錢 甘草七分

水煎服大便秘結加大黃二錢

舌無故自痺者不可作風熱治由心血不足用理  
中湯合四物湯治之



昔有人舌上生瘡久蝕成穴累服涼藥不効此亦  
下元虛寒以致虛火不降投養正丹遂得愈  
舌上血出不止名曰舌衄詳在血門

血虛舌麻者四物湯加黃連

舌出口數寸以冰片為末敷愈

舌脹滿口不能發聲者蒲黃敷愈

舌腫脹口不能開合以葶麻子綿紙取去油就將

此紙作摺燈上點着吹滅將烟薰之良久則消

上三條  
皆出醫說

### 齒門

生生子曰齒者骨之餘腎之標寄于齦養于氣血  
上齦屬足陽明胃下齦屬手陽明大腸是知齒  
者骨也本乎乾元以資始也齦者肉也本乎坤  
元以資生也譬之木生于土就藉土以為養也  
若動搖脫落乃腎之本虛以致標亦虛至于生  
虫浮腫牙宣出血臭穢腐爛者腸胃濕熱壅盛  
也虛者補之濕熱者瀉之清之外以末藥擦之  
如風寒外束者解散之除腎氣虛衰精元不固



齒無所養浮豁不堅隱，而痛外其餘腫爛出血生虫等症皆腸胃之疾甚而斷爛齒落者猶土崩而木倒也其治在斷，堅則齒自固矣

大補陰丸 滋陰降火湯 六味地黃丸

皆治陰虛火動牙痛不堅牢而脫落者方見虛損門

清胃散 胃熱及食辛熱之物致使上下牙痛牽

引頭腦面熱齒惡熱者 當歸 生地 黃連

各八分 升麻三分 牡丹皮一分 錢五分

水二鍾煎八分後食服 甚者加石羔白芷

定痛羗活湯 風熱攻注牙根腫痛

羗活 防風 川芎 生地 各一錢 升麻二分

細辛 荆芥 獨活 薄荷 各六分 石膏 二錢 甘草

五分 水煎食後服惡熱飲者加龍胆草 酒洗 一惡

風作痛加白豆羗黃連 各五分 濕熱甚者加黃

連 山梔 錢一

安腎丸 腎虛牙齒豁落隱痛久服固精補陽

青鹽 炒 補骨脂 鹽水炒 山藥 石斛 白茯苓

兔絲子 酒炒 巴戟 去心 杜仲 姜汁炒 肉蓯蓉 酒浸 白蒺



藜炒各二兩

右煉蜜九梧桐子大每服七八十九

空心淡鹽湯下

經驗石膏湯 胃有實熱牙痛或上牙腫痛

升麻 知母各一錢 石膏半一錢 大黃酒蒸二錢 山枝

薄荷 茯苓 連翹各八分 朴硝六分 甘草五分

水煎食遠服頻頻口噤即愈

百効湯 腸胃壅執風熱牙齦腫痛頰車皆腫

升麻 葛根 白芷 酒苓 桔梗各一錢 防風

薄荷各五分 石膏三錢 甘草六分 天花粉八分 細辛四分

姜三片水煎食後頻頻少服之 頭疼及項

頸痛者加羌活一錢 發寒熱者加柴胡一錢 屢効

擦牙定痛散 一切牙痛風熱腫痛

薄荷葉 天花粉 樟腦各等分

右為細末擦患處効

止痛方 牙疼并齦腫痛

將軍一兩 川椒 胡椒 樟腦各三錢

右為末不時擦之吐去苦水為美

氣虛牙痛者脾胃不足或服寒涼藥過多抑遏陽



氣於脾土之中身反發熱者當以補中益氣湯  
或調中益氣湯火鬱湯消息治之

牙痛方 猪蹄甲入鹽填滿火煨焦為末擦上愈  
又方 乾茄蒂為末搽上効

### 咽喉門

經云一陽一陰結謂之喉痺一陰乃手厥陰心包  
絡之脉一陽乃手少陽三焦之脉二脉並絡于  
喉氣熱內結故為喉痺喉主天氣咽主地氣地  
氣通于嗑嗑即咽之低處也咽喉者水穀之道

路也喉嚨者氣之所以上下者也會厭者聲音  
之戶也懸雍者音聲之閔也 張子和云咽與

喉會厭與舌此四者同在一門而其用各異喉  
以納氣故喉氣通于天咽以納食故咽氣通于  
地會厭管乎其上以開闢掩其喉則其食下不  
掩之其喉錯必舌抵上齧則會厭能閉其喉矣  
四者交相為用闕一則飲食廢而死矣

生生子曰經云喉痺者謂喉中呼吸不通言語不  
出而天氣閉塞也云咽痛者云嗑痛者謂咽喉



不能納唾與食而地氣閉也云喉痺咽嗑痛者  
謂咽喉諸病天地之氣並閉塞也蓋病喉痺者  
必兼咽嗑痛病咽嗑痛不能兼喉痺也今喉咽  
俱病方並入喉痺門中

寶鑑荊芥湯 咽喉腫痛語聲不出噤之痛甚

荊芥錢五桔梗兩二甘草兩一 每服四五錢水煎食

後溫服 按此即甘桔湯也海藏云治咽痛以  
甘桔湯加大力子竹茹妙

本事方 治中風急痰痺歆死者

白姜蚕為極細末生姜自然汁調下喉愈

寶鑑馬鞭散 喉痺咽腫連頰吐氣數者

馬鞭草本草云味辛涼破血  
主癥瘕血癖通月經

搗自然汁噉一合許即愈

孫召先生方 治急喉閉

猪牙皂角 白礬 黃連各等分 新瓦上焙乾為

末每用五分吹入喉中吐出膿血立愈

急喉痺其聲如鼾有如痰在喉中響者此為肺絕  
之候速宜人參膏救之用竹瀝姜汁調下獨參



湯亦可若服之早者十全七八次則十全三四  
遲則十不救一也

丹溪曰喉痛并瘡多屬虛火遊行無制用人參黃  
栢蜜炙荊芥氣虛人參竹瀝血虛四物竹瀝  
咽喉燥痛四物湯加桔梗荊芥黃栢知母立止  
喉舌之疾皆屬火熱雖有數種之名輕重之異  
乃火之微甚故也微而輕者可以緩治甚而重  
者惟用針砭刺血最為上策

治喉痺用青艾汁灌下愈

喉痛必用荊芥陰火炎上必用玄參

又方 茜草根一兩一服 此所謂治血中之也  
咽中瘡腫草麻子一粒皮淨 朴硝一錢 同研新汲水作  
一服連進二三服効

本事利膈湯 虛損上壅脾肺有熱咽喉生瘡

鷄蘇葉 荊芥 防風 桔梗 人參 甘草  
大力子炒各一兩 為細末每一錢沸湯點服

如咽痛口瘡甚者加姜蚕一兩

東垣桔梗湯 咽腫微覺痛聲破季冬用之